

► Mendengar dan Bertutur

Lengkapkan perbualan di bawah ini. Kemudian, berbualah dengan rakan anda menggunakan sebutan yang betul dan bertatasusila. **SP 1.4.1**


urus setia	meningkatkan	cinta	terlibat
pidato	perpaduan	medium	esei

Nairah: Li Jing, sekolah kita akan mengadakan beberapa program sempena Bulan Bahasa Kebangsaan. Adakah kamu (1) _____ dalam program itu?

Li Jing: Ya, Nairah. Saya menjadi seorang daripada (2) _____ dalam program itu nanti. Selain itu, saya akan menyertai pertandingan menulis (3) _____ juga.

Nairah: Saya pula akan menyertai pertandingan (4) _____. Pada pendapat saya, program ini sangat bermanfaat untuk kita. Selain dapat mengasah bakat dalam pertandingan, program ini dapat (5) _____ penggunaan bahasa Melayu dalam kalangan murid juga.

Li Jing: Saya bersetuju dengan pendapat kamu. Program ini dapat menyemarakkan perasaan (6) _____ akan bahasa Melayu juga, iaitu bahasa kebangsaan kita. Saya percaya bahawa bahasa Melayu dapat menjadi (7) _____ untuk memperkukuh (8) _____ dalam kalangan rakyat Malaysia yang berbilang bangsa.



Kamus Mini

1. urus setia – pegawai-pegawai atau jabatan yang diamanahkan untuk menjaga rekod dan melaksanakan tugas-tugas kesetiausahaan
2. esei – karangan prosa (yang biasanya lebih pendek daripada tesis atau disertasi) tentang sesuatu tajuk
3. pidato – ucapan yang disampaikan kepada khalayak ramai
4. bakat – kebolehan semula jadi
5. menyemarakkan – membangkitkan semangat
6. medium – bahan atau sesuatu yang menjadi perantara bagi menghasilkan sesuatu